

# **Landesbibliothek Oldenburg**

**Digitalisierung von Drucken**

## **Nicolai Alardi, Pastoris Steinbeccensis, Bibliotheca Harmonico-Biblica**

**Alard, Nicolaus**

**Hamburgi, MDCCXXV**

**VD18 10490701**

Caput VI. De nesessitate, utilitate & jucunditate studii harmonici.

**urn:nbn:de:gbv:45:1-17504**



Cap. V. eamque p. 72. m. sq. probatam dedit. Secunda est admodum ingeniosa: *Considerandos esse affectus eorum, ad quos scribitur.* Usus hujus Canonis in conciliandis *ἐναντιοφαιείαις* eximium esse, docet M. Frid. Quir. Gregorius Diff. qua usum Doctrinæ de temperamentis Apostolorum in Theologia, Præside Ven. D. Gottfr. Oleario ostendit, ad diversa effata Pauli & Jacobi de Justificatione per bona opera §. 3. provocando.

## CAPUT VI.

*De necessitate, utilitate & jucunditate studii harmonici.*

I. **V**ergit potissimum Harmonia Biblica in gloriam Dei, *θεοπνευσίας* Scripturarum sacrarum comprobando, sine qua earum dignitas, eminentia & Majestas vana, falsa, atque ficta foret. Nolumus repetere, quæ in fronte hujus tractationis adduximus; sufficiat nobis Theologicum judicium summi Dresdensium Theologi, Val. Ern. Læscheri, Prænot. Theol. p. 156. §. 1. ita scribentis: „Scripturam S. carere contradictionibus, „& veritas, & causa Dei defendere nos jubet, contra eos, qui imputatis illi manifestis contradictionibus à dignitate principii eam deturbare conantur.

II. Neque minus hominum saluti vel sic confutitur. *Multiplex est utilitas,* inquit supra laudatus Rambachius Inst. Herm. S. L. I. C. II. §. XIII. \* \* \* „quam interspersa sacræ Scripturæ obscuritas ex divina



divina interpretatione lectoribus affert. Illa enim (1.) diligentes Scripturæ scrutatores magis acuuntur in suo studio. (2.) Ignavis arcana Oeconomix divinæ teguntur. (3.) Arrogantia ingenii humani intra limites suos coercetur. (4.) De imbecillitate intellectus nostri in rebus divinis admonemur, & ad spiritum cognitionis, piis precibus impetrandum excitamur. (5.) Dum locis apertioribus fami occurritur, obscurioribus fastidia deteguntur, ut eleganter ait Augustinus de doctrina Christiana Lib. II. Cap. VI. Et Ven. Læscherus l. c. pergit: „Hujus studii commendandi, excitandorumque tot somnolentorum ingeniorum causa, tum quoque, ut ex Antithetis doctrinam quamvis eo cautius rectiusque tractare, limitesque debitos observare discamus, apparentes, quas vocant, contradictiones Deus in verbo suo deprehendi voluit, non ejus, sed nostro vitio; unde in hac exegetica parte cura animi nostri, non textus sacri commendatio usu venire debet.

III. Coronidis loco amoenissimum deprehendet hoc studium, quicumque operi manus ipse admovebit. *Et si enim non omnibus semper adire Corinthum datum sit, inquit laudatus Theologus, veram tamen solvendi rationem divina ope fretus feliciter deprehendes, maxime si cum piis precibus Ἐπευὼν ipse exerceas.* (q) Imo experientia edoctus

C 3

non

(q) Chrysostomus Homil. 40. in Johannem: Christus Judæos



non est quod dubitem, quin aliis etiam hac ratione delectatio afferatur, quibuscunque veritas sacra curæ est cordique. Audiamus *Origenem*, *Philocal. I. Cap. VI. p. 31.* edit. *Spenceri*, egregie sic commentantem: „ Ut Psalterii vel Citharæ fides, quarum unaquæque proprium sonum, & qui alterius sono similis esse non videtur, absolvit, videntur inerudito & Musici concentus minime perito propter dissimilitudinem sonorum discrepantes: sic qui audire nesciunt divinum in sacris Scripturis concentum, non bene convenire novo Testamento cum veteri, aut Legi cum Prophetis, nec Evangelia sibi mutuo consentire, aut Apostolum Evangelio, vel sibi ipsi vel Apostolis putant. Sed si quis accesserit divina Musica eruditus, & re & sermone sapiens, ideoque quidam alius David, qui exponitur aptus & idoneus manu, absolvet sonum Musicæ Dei, cum ab ea didicerit opportune pulsare fides modo Legis, modo, quæ illis concinunt, Evangelicas, interdum Propheticas, aliquando, cum id ratio exposcit, quæ ipsis accinunt, Apostolicas, ita & Apo-

*os ad Scripturaram non simplicem lectionem, sed ad investigationem perquam diligentem revocavit. Non dixit, legite Scripturas, sed scrutamini. Divina enim summa indigent diligentia. In umbra enim majoribus illis non abs re locutus est, idcirco effodere profundius jubet, ut qua alte delitescunt, invenire possimus. Non enim rem in superficie & in promptu positam effodimus, sed qua tanquam thesaurus profunde reconditur. Qui enim hujusmodi querit, nisi summam adhibeat diligentiam & laborem, nunquam quasita inveniet.*



sti visceribus &c. Frater G. humilis servus. Item Concordia testimoniorum de epistolis S. Pauli à B. Gregorio Pont. MSt. Vid. *Eryci Puteani* auspicia Bibl. Lovan. p. 125.

## CAPUT II.

*De Judæis.*

Judæis a plurimis retro seculis concredita esse Oracula Dei, Paulus Rom. III. 1. testatur, quæ quoad vetus Testamentum ab Antilogiarum labe haud infelici successu nonnulli purgavere. *Ebraei enim*, inquit B. D. Aug. Pfeifferus Hermen. S. p. m. 190. f. *ἐναντιοφαινόμενα* & alia dubia textualia ex longo rerum usu nonnunquam satis feliciter expediunt. Huc spectat monitum *Christ. Cartwrighti* in Epist. Dedic. libri annotat. in Exodum ad Jac. Ufferium Armachanum: „ Ut in omne genus Scripto- rum, ita & in Rabbinis delectus est habendus: alia namque Talmudicorum, alia commentario- rum est ratio - - - quin & commentarii, quos vocant *Peruchim*, ab iis, qui *Midraschim* nuncupantur, longe sunt diversi - - - Nam mystici illi commentarii, quos vocant *Midraschim*, ineptiis sæpe inferti sunt; at Expositio- nes, quas appellant *Peruchim*, ab insulsis istius- modi commentis plerumque immunes esse ap- paret. Imo ex Hebræis sunt, qui præter quam quod ex Hebraicarum literarum peritia pluri- ma tradant, quæ vix ac ne vix quidem alibi re- periantur, adeo in sacri textus sensu investigan-